



## TOSHKENT DAVLAT YURIDIK UNIVERSITETI REKTORINING B U Y R U G ' I

---

19.05.2023

307-tm-son

### Talabalar safidan chetlashtirish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-sonli Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan.

Bu borada bugungi kunda universitetda kompleks chora-tadbirlar olib borilayotganligiga qaramasdan, ayrim talabalar tomonidan universitetning o'quv intizomini buzish holatlari kuzatilmoqda.

Jumladan, Xususiy huquq fakulteti 2-kurs Rus "A" potok talabasi **Ishpulatov Maxamatg'iyos Shuxrat o'g'li** 2022-2023 o'quv yili bahorgi semestri davomida sababsiz 18 soatdan ortiq dars mashg'ulotlarini qoldirganligi uchun rasman ogohlantirilganligiga, 36 soatdan ortiq sababsiz dars mashg'ulotlarini qoldirganligi uchun (03.04.2023-yil) hayfsan intizomiy jazo chorasi qo'llanganligiga qaramasdan, bahorgi semestr davomida sababsiz 66 soatdan ortiq dars mashg'ulotlarini qoldirgan.

Shu bilan birgalikda talaba tomonidan qoldirilgan dars soatlarini sababli deb topish uchun taqdim etilgan mehnatga layoqatsizlik varaqalari Toshkent viloyati Sog'liqni saqlash boshqarmasining № 06-06314-sonli xatiga muvofiq **asossiz va qalbaki ekanligi** aniqlangan.

Talaba mazkur harakati bilan Toshkent davlat yuridik universiteti Oдоб-axloq kodeksining 14-moddasi birinchi qismi oltinchi xatboshisi (so'ralgan axborotni yetarlilik va ishonchlilik talablariga muvofiq taqdim etish), 16-moddaning ikkinchi xatboshisi (har qanday huquqbuzarlik yoki jinoyat sodir etish, jumladan, tuhmat qilish, haqoratlash) 26-moddasi ikkinchi qismi o'n yettinchi xatboshisi (haqiqatni gapirish, rahbarlar va boshqa xodimlarni chalg'itmaslik), 27-moddasi "a" bandining yettinchi xatboshisi (mashg'ulotlarni sababsiz o'tkazib yubormaslikka va darslarga sababsiz kechikib kelmaslikka) talablarini buzgan.

O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandi "d" kichik bandi, O'zbekiston Respublikasi Vazirlar Mahkamasining 2017-yil 20-iyundagi 359-sonli qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizom 43-bandi to'rtinchi xatboshisi, shuningdek Toshkent davlat yuridik universiteti ichki tartib qoidalarining (ichki mehnat tartibi qoidalari) 84-bandi "g" kichik bandiga asosan hamda Toshkent viloyati Sog'liqni saqlash boshqarmasining № 06-06314-sonli xati, talabaning dars mashg'ulotlarini sababsiz qoldirganligi to'g'risidagi tushuntirish xatlari va fakultet dekani B.Musayevning bildirgisi hamda universitet Odob-axloq komissiyasi yig'ilishining 29-son bayonnomasiga muvofiq

### **BUYURAMAN:**

1. Universitetning Xususiy huquq fakulteti 2-kurs Rus A potok to'lov-kontrakt asosida tahsil oluvchi talabasi **Ishpulatov Maxamatg'iyos Shuxrat o'g'li** Toshkent davlat yuridik universiteti Odob-axloq kodeksining 14-moddasi birinchi qismi oltinchi xatboshisi (so'ralgan axborotni yetarlilik va ishonchlilik talablariga muvofiq taqdim etish), 16-moddaning ikkinchi xatboshisi, 26-moddasi ikkinchi qismi o'n yettinchi xatboshisi, 27-moddasi "a" bandining yettinchi xatboshisida keltirilgan **qoidalarni buzgan** deb hisoblansin.

2. Talaba Ishpulatov Maxamatg'iyos Shuxrat o'g'li o'z harakatlari bilan TDYU tomonidan o'rnatilgan ichki tartib-qoidalarini muntazam ravishda buzganligi va qonunga xilof ravishda olingan mehnatga layoqatsizlik varaqalarini universitet mas'ul xodimlarini aldagan holda taqdim etganligi sababli **talabalar safidan chetlashtirilsin**.

3. Xususiy huquq fakulteti dekani B.Musayev talabalar safidan shetlashtirilgan M.Ishpulatov shaxsiy yig'ma jildiga buyruq nusxasi tikilishini ta'minlasin.

4. Mazkur buyruq ijrosini nazorat qilish prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

